

Plan pa embecece centro di ciudad entrega na minister Sevinger

Gran mayoria di renobacion di centro di ciudad lo ta cla pa final di aña

ORANJESTAD - Un grupo di tres hoben stagiaire di Design Academy di Hulanda a entrega na Minister di Infraestructura, Integracion y Medio Ambiente, sr. Benny Sevinger algun diseño cu nan a haci bou coordinacion di InfraTeam.

E stagiarenan a ser treci na Aruba pa haci un estudio y plan pa sigui cu renobacion di e resto di cayanan chikito cual no ta cay den e renobacion fase 1. E fase actual ta encera e ruta desde Terminal na waf, Weststraat, Schelpstraat, Havenstraat, Kazernesstraat y Caya Betico Croes cu cierto cayanan chikito cu ta yega directamente na esaki. Pues unbes cu completa fase 1 lo sigui cu un plan di renobacion pa embecece otro cayanan

importante di Oranjestad. A papia di material y colornan cu lo bay wordo uza, pa esaki ta mas duradero posibel pa e clima di Aruba. E grupo a haci diseñonan cu ta cuadra cu otro, pues loke ta mira den e caya principal, tambe ta bay ta den e zijstraten, creando asina un identidad mas coherente den centro di Oranjestad.

Minister Sevinger despues di a analisa loke a keda presenta na su persona, a duna su puntonan di bista como tambe puntonan di atencion pa por sigui cu e trabou di diseño. Henter e proceso incluyendo e feedback di Minister Sevinger y InfraTeam lo ta poni den un rapport final cual lo ser uza den e masterplan cu Minister ILM hunto cu In-



Minister Sevinger despues di a analisa loke a keda presenta na su persona, a duna su puntonan di bista como tambe puntonan di atencion pa por sigui cu e trabou di diseño.

fra Team pa cu renobacion di Oranjestad. Esaki tambe ta forma parti di e renobacion di centro di ciudad, cu no solamente ta e incorporacion di e streetcar, pero tambe

embebecimento di e caya mes cu kiosconan, mata, iluminacion y un cantidad di aspecto mas. Gabinete Mike Eman y InfraTeam a programa pa gran mayoria di e renobacion di cen-

tro di ciudad lo ta cla pa final di aña pa wordo inaugura cu su concepto completamente diferente di loke e pueblo y bishitantenan a conoce e ultimo 20 añanan. □